




**STRAATSOIREES OP STELLENBOSCH**  
Die gewilde **Stellenbosch-straatsoirees** keer hierdie maand terug na die Eikestad. Dit sal elke tweede en laaste week van die maand gehou word en mense sal goeie wyn, kos en musiekvermaak kan geniet. Die eerste een van die seisoen word op 16 November in Drostdystraat gehou. Dit word van 18:00 tot 20:00 gehou en vir R70 kry jy 'n wynglas en geleentheid om na hartelus al die wyne te proe en daar is ook heerlike straatkos te koop.  
Vir meer inligting, bel 021 886 4310 of besoek [www.wineroute.co.za](http://www.wineroute.co.za)

Skryf dit in jou  
**DAGBOEK**  
Deur ZERELDA ESTERHUIZEN



**MUSIEK & MOTORFIETSE**

BMW Motorrad, die BMW-groep se motorfietsafdeling, bied op 26 en 27 November die **Pure & Crafted SA-fees** aan. Dit is 'n musiek-en-motorfiets-fees met topvermaak deur onder andere The Parlotones, heerlike kos en drinkgoed en selfs waagtoertjies. Dit word by Ground in Muldersdrift gehou.  
Besoek <https://pureandcraftedsa.nutickets.co.za/3147>

**KERSMARKTE!**

Die **15de Kaapse Geskenkemark** word van 22 November tot 4 Desember in die Seepunt-stadsaal gehou. Daar gaan lieflike geskenkidees wees en 'n koffiekroeg waar jy asem kan skep.  
Meer inligting by [Geskenkemark@gmail.com](mailto:Geskenkemark@gmail.com) of bel 082 4113981

Die Transoranje Skool vir Dowes bied vanjaar hul 20ste **Kersmark** aan. Hierdie gewilde mark is die skool se grootste fondsinsameling om in al die spesiale behoeftes van hul leerders te voorsien. Die mark word van 25 November tot 4 Desember by die Transoranje-skoolterrein in Pretoria gehou.  
Kry nog inligting by 012 386 072 of [www.transoranje.webs.com](http://www.transoranje.webs.com) VI




**'N PRETTIGE PANTO**

Janice Honeyman se bekende pantomimes is al sinoniem met die feestyd. Haar **Robin Hood and the Babes in the Wood** is nog tot 30 Desember by die Mandela, Joburg Theatre, te sien.  
Die rol van Robin word deur **Izak Davel** vertolk, **Desmond Dube** is Friar Tuck, **Carmen Pretorius** is Marian, Bongi Mthombeni speel Will Scarlet en Kate Normington is in die rol van Silly Sylviana te sien. Kaartjiepryse wissel.  
Besoek [www.joburgtheatre.com](http://www.joburgtheatre.com) of bel 0861 670 670

**PIEKNIEK OP BOSCHENDAL**  
Moeg vir tradisionele Sondagmiddag-etes? Boschendal-landgoed hou heerlike **pieknieks** met musiekvermaak.  
Die volgende pieknieks is op 27 November wanneer Coda Afrika optree, en op 4 Desember wanneer Blair Taberer optree. 'n Piekniekmandjie vir twee kos R495 en 'n piekniekmandjie vir vier kos R980.  
Musiek begin om 13:00.  
Bespreek jou plek by [reservations@boschendal.co.za](mailto:reservations@boschendal.co.za) of 021 870 4274



 **Gebeur daar iets in jou omgewing wat jy met ons wil deel?**  
Jy kan dit self op [www.vrouekeur.co.za](http://www.vrouekeur.co.za) plaas VI

As daar enige interessante uitstallings, opvoerings of skoue in jou omgewing plaasvind, stuur die inligting na [zerelda@caxton.co.za](mailto:zerelda@caxton.co.za)